

本草

草木人獸

千金翼方

卷三

千金翼方卷第三

本草中

宋朝奉郎守太常少卿充秘閣校理林億等校正

明翰林院檢討國史纂修官王肯堂重校

內閣撰文中書舍人加四級金匱華希閣校刻

草部下品之上

草部下品之下

木部上品

木部中品

木部下品

人獸部

草部下品之上 三十五味

大黃

桔梗

甘遂

葶藶

芫花

根附

澤漆

大戟

葶花

旋復花

根附

鈎吻

藜蘆

赭魁

及已

烏頭

射罔烏喙附

天雄

附子

側子

羊躑躅

茵芋

射干

鳶尾

貫衆

花附

半夏

由跋

虎掌

葇若子

蜀漆

恒山

青葙子

葉附

牙子

白斂

白及

蛇含

草蒿

藿菌

大黃將軍味苦寒大寒無毒主下瘀血血閉寒熱破

癥瘕積聚留飲宿食蕩滌腸胃推陳致新通利水穀

調中化食安和五臟平胃下氣除痰實腸間結熱心

腹脹滿女子寒血閉脹小腹痛諸老血留結一名黃

良生河西山谷及隴西二月八月採根火乾

桔梗味辛苦微溫有小毒主胸脇痛如刀刺腹滿腸

鳴幽幽驚恐悸氣利五臟腸胃補血氣除寒熱風痺

溫中消穀療喉咽痛下蠱毒一名利如一名房圖一

名白藥一名梗草一名薺芑生嵩高山谷及寃句二

月八月採根暴乾

甘遂味苦甘寒大寒有毒主大腹疝瘕腹滿面目浮腫留飲宿食破癥堅積聚利水穀道下五水散膀胱留熱皮中痞熱氣腫滿一名甘藹一名陵藹一名陵澤一名重澤一名主田生中山川谷二月採根陰乾葶藶味辛苦寒大寒無毒主癥瘕積聚結氣飲食寒熱破堅逐邪通利水道下膀胱水伏留熱氣皮間邪水上出面目浮腫身暴中風熱癩癢利小腹久服令人虛一名丁歷一名葶蒿一名大室一名大適生藹城平澤及田野立夏後採實陰乾得酒良芫花味辛苦溫微溫有小毒主欬逆上氣喉鳴喘咽

腫短氣蠱毒鬼瘡疔痕癰腫殺蟲魚消胸中痰水喜  
唾水腫五水在五臟皮膚及腰痛下寒毒肉毒久服  
令人虛一名去水一名毒魚一名杜芫其根名蜀桑  
根療疥瘡可用毒魚生淮源川谷三月三日採花陰  
乾

澤漆味苦辛微寒無毒主皮膚熱大腹水氣四肢面  
目浮腫丈夫陰氣不足利大小腸明目輕身一名漆  
莖大戟苗也生太山川澤三月三日七月七日採莖  
葉陰乾

大戟味苦甘寒大寒有小毒主蠱毒十二水腹滿急

千金翼方 卷三  
痛積聚中風皮膚疼痛吐逆頸腋癰腫頭痛發汗利  
大小腸一名叩鉅生常山十二月採根陰乾

蕤花味苦辛寒微寒有毒主傷寒溫瘧下十二水破  
積聚大堅癥瘕蕩滌腸胃中留癖飲食寒熱邪氣利  
水道療痰飲欬嗽生咸陽川谷及河南中牟六月採  
花陰乾

旋復花味鹹甘溫微溫冷利有小毒主結氣脇下滿  
驚悸除水去五臟間寒熱補中下氣消胸上痰結唾  
如膠漆心脇痰水膀胱留飲風氣濕痺皮間死肉目  
中眇曠利大腸通血脉益色澤一名戴椹一名金沸

草一名盛樾其根主風濕生平澤川谷五月採花日  
乾二十日成

鈎吻味辛溫有大毒主金瘡乳疽中惡風欬逆上氣  
水腫殺鬼疰蠱毒破癥積除脚膝痺痛四肢拘攣惡  
瘡疥蟲殺鳥獸一名野葛折之青煙出者名固活甚  
熱不入湯生傳高山谷及會稽東野

藜蘆味辛苦寒微寒有毒主蠱毒欬逆洩痢腸澼頭  
瘍疥瘙惡瘡殺諸蟲毒去死肌療噦逆喉痺不通鼻  
中息肉馬刀爛瘡不入湯一名葱苒一名葱菹一名  
山葱生太山山谷三月採根陰乾



赭魁味甘平無毒主心腹積聚除三蟲生山谷二月採

及巴味苦平有毒主諸惡瘡疥痂癩蝕及牛馬諸瘡烏頭味辛甘溫大熱有大毒主中風惡風洗洗出汗除寒濕痺欬逆上氣破積聚寒熱消胸上痰冷食不下心腹冷疾臍間痛肩胛痛不可俛仰目中痛不可久視又墮胎其汁煎之名射罔殺禽獸

射罔味苦有大毒療尸疰癥堅及頭中風痺痛一名奚毒一名卽子一名烏喙

烏喙味辛微溫有大毒主風濕丈夫腎濕陰囊癢寒

熱歷節掣引腰痛不能行步癰腫膿結又墮胎生朗  
陵山谷正月二月採陰乾長三寸以上爲天雄

天雄味辛甘溫大溫有大毒主大風寒濕痺歷節痛  
拘攣緩急破積聚邪氣金瘡強筋骨輕身健行療頭  
面風去來疼痛心腹結積關節重不能行步除骨間  
痛長陰氣強志令人武勇力作不倦又墮胎一名白  
幕生少室山谷二月採根陰乾

附子味辛甘溫大熱有大毒主風寒欬逆邪氣溫中  
金瘡破癥堅積聚血瘕寒濕踈臂拘攣膝痛脚疼冷  
弱不能行步腰脊風寒心腹冷痛霍亂轉筋下痢赤

白堅肌骨強陰又墮胎爲百藥長生犍爲山谷及廣  
漢冬月採爲附子春採爲烏頭

側子味辛大熱有大毒主癰腫風痺歷節腰脚疼冷  
寒熱鼠瘦又墮胎

羊躑躅味辛溫有大毒主賊風在皮膚中淫淫痛溫  
瘡惡毒諸痺邪氣鬼疰蠱毒一名玉支生太行山川  
谷及淮南山三月採花陰乾

茵芋味苦溫微溫有毒主五臟邪氣心腹寒熱羸瘦  
如瘡狀發作有時諸關節風濕痺痛療久風流走四  
肢脚弱一名芫草一名卑共生太山川谷三月三日

採葉陰乾

射干味苦平微溫有毒主欬逆上氣喉痺咽痛不得  
消息散結氣腹中邪逆食飲大熱療老血在心脾間  
欬唾言語氣臭散胸中熱氣久服令人虛一名烏扇  
一名烏蒲一名烏翬一名烏吹一名草薑生南陽川  
谷田野三月三日採根陰乾

鳶尾味苦平有毒主蠱毒邪氣鬼疰諸毒破癥瘕積  
聚去水下三蟲療頭眩殺鬼魅一名烏園生九疑山  
谷五月採

貫衆味苦微寒有毒主腹中邪熱氣諸毒殺三蟲去

寸白破癥瘕除頭風止金瘡花療惡瘡令人洩一名  
貫節一名貫渠一名百頭一名虎卷一名扁符一名  
伯萍一名藥藻此謂草鴟頭生玄山山谷及冤句少  
室山二月八月採根陰乾

半夏味辛平生微寒熱溫有毒主傷寒寒熱心下堅  
下氣喉咽腫痛頭眩胸脹欬逆腸鳴止汗消心腹胸  
膈痰熱滿結欬嗽上氣心下急痛堅痞時氣嘔逆消  
癰腫墮胎療痿黃悅澤面目生令人吐熱令人下用  
之湯洗令滑盡一名守田一名地文一名水玉一名  
示姑生槐里川谷五月八月採根暴乾

由跋主毒腫結熱

虎掌味苦溫微寒有大毒主心痛寒熱結氣積聚伏  
梁傷筋痿拘緩利水道除陰下濕風眩生漢中山谷  
及冤句二月八月採陰乾

葇若子味苦甘寒有毒主齒痛出蟲肉痺拘急使人  
健行見鬼療癲狂風癇顛倒拘攣多食令人狂走久  
服輕身走及奔馬強志益力通神一名橫唐一名行  
唐生海濱川谷及雍州五月採子

蜀漆味辛平微溫有毒主瘡及欬逆寒熱腹中癥堅  
痞結積聚邪氣蠱毒鬼疰療胸中邪結氣吐出之生

江林山川谷及蜀漢中常山苗也五月採葉陰乾

恒山味苦辛寒微寒有毒主傷寒寒熱發溫瘧鬼  
毒胸中痰結吐逆療鬼蠱往來水脹灑灑惡寒鼠瘻  
一名互草生益州川谷及漢中八月採根陰乾

青箱子味苦微寒無毒主邪氣皮膚中熱風瘙身癢  
殺三蟲惡瘡疥蝨痔蝕下部蠱瘡子名草決明療屑  
口青一名草蒿一名萋蒿生平谷道傍三月採莖葉  
陰乾五月六月採子

牙子味苦酸寒有毒主邪氣熱氣疥瘙惡瘍瘡痔去  
白蟲一名狼牙一名狼子一名狼齒一名犬牙生淮

南川谷及寃句八月採根暴乾中濕腐爛生衣者殺  
人

白欽味苦甘平微寒無毒主癰腫疽瘡散結氣止痛  
除熱目中赤小兒驚癇溫瘧女子陰中腫痛下赤白  
殺火毒一名菟核一名白草一名白根一名崑崙生  
衡山山谷二月八月採根暴乾

白及味苦辛平微寒無毒主癰腫惡瘡敗疽傷陰死  
肌胃中邪氣賊風鬼擊痲緩不收除白癬疥蟲一名  
甘根一名蓮及草生北山川谷又寃句及越山  
蛇含味苦微寒無毒主驚癇寒熱邪氣除熱金瘡疽



痔鼠瘦惡瘡頭瘍療心腹邪氣腹痛濕痺養胎利小兒一名蛇銜生益州山谷八月採陰乾

草蒿味苦寒無毒主疥癩痂癢惡瘡殺蝨留熱在骨節間明目一名青蒿一名方潰生華陰川澤

藿菌味鹹甘平微溫有小毒主心痛溫中去長蟲白癩蟻蟲蛇螫毒癥瘕諸蟲疽蝸去虻蟲寸白惡瘡一名藿蘆生東海池澤及渤海章武八月採陰乾

草部下品之下 六十八味

連翹

白頭翁

藺茹

苦芙

羊桃

羊蹄

鹿藿

牛扁

陸英

葫蘆

薑草

夏枯草

烏韭

蚤休

虎杖

石長生

鼠尾草

馬鞭草

胡桐淚

馬勃

鷄腸

蛇莓

苧根

菰根

狼跋子

弓弩絃

春杵頭細糠

敗天公

半天河

地漿

敗蒲蓆

敗船茹

敗鼓皮

屋遊

赤地利

赤車使者

劉寄奴

三白草

牽牛子

豬膏莢

紫葛

蓖麻子

葉附

葎草

格注草

獨行根

狗舌

烏蘇莓

猗燕

狼毒

鬼臼

蘆根

甘蕉根

篇蓄

酢醬草

苧實

蒲公英

商陸

女青

水蓼

角蒿

昨葉何草

白附子

鶴蝨

甌帶灰

屐屨鼻繩

故麻鞋底

雀麥

筆頭灰

連翹味苦平無毒主寒熱鼠瘦癩癰腫惡瘡癭瘤  
結熱蠱毒去白蟲一名異翹一名蘭華一名折根一  
名軹一名王廉生太山山谷八月採陰乾  
白頭翁味苦溫無毒有毒主溫瘧狂易寒熱癥瘕積

聚瘦氣逐血止痛療金瘡鼻衄一名野丈人一名胡  
王使者一名柰何草生高山山谷及田野四月採亦  
療毒痢

藺茹味辛酸寒微寒有小毒主蝕惡肉敗瘡死肌殺  
疥蟲排膿惡血除大風熱氣善忘不樂去熱痺破癥  
瘕除息肉一名屈据一名離婁生代郡川谷五月採  
根陰乾黑頭者良

苦芙微寒主面目通身漆瘡作灰療金瘡大驗

羊桃味苦寒有毒主燂熱身暴赤色風水積聚惡瘍  
除小兒熱去五臟五水大腹利小便益氣可作浴湯

一名鬼桃一名羊腸一名萇楚一名御弋一名銚弋  
生山林川谷及生田野二月採陰乾

羊蹄味苦寒無毒主頭禿疥瘙除熱女子陰蝕浸淫  
疽痔殺蟲一名東方宿一名連蟲陸一名鬼目一名  
蓄生陳留川澤

鹿藿味苦平無毒主蠱毒女子腰腹痛不樂腸癰瘰  
癧瘍氣生汶山山谷

牛扁味苦微寒無毒主身皮瘡熱氣可作浴湯殺牛  
蝨小蟲又療牛病生桂陽川谷

陸英味苦寒無毒主骨間諸痺四肢拘攣疼酸膝寒

痛陰痿短氣不足脚腫生熊耳川谷及窵句立秋採  
蒟藿味酸溫有毒主風瘡癰癭身癢濕痺可作浴湯  
一名董草一名芟生田野春夏採葉秋冬採莖根

蓋草味苦平無毒主久欬上氣喘逆久寒驚悸痂疥  
白禿瘍氣殺皮膚小蟲可以染黃作金色生青衣川  
谷九月十月採

夏枯草味苦辛寒無毒主寒熱瘰癧鼠瘦頭瘡破癥  
散癭結氣脚腫濕痺輕身一名夕句一名乃東一名  
燕面生蜀郡川谷四月採

烏韭味甘寒無毒主皮膚往來寒熱利小腸膀胱氣

療黃疸金瘡內塞補中益氣好顏色生山谷石上  
蚤休味苦微寒有毒主驚癇搖頭弄舌熱氣在腹中  
癩疾癰瘡陰蝕下三蟲去蛇毒一名蚩休生山陽川  
谷及窻句

虎杖根微溫主通利月水破留血癥結

石長生味鹹苦微寒有毒主寒熱惡瘡大熱辟鬼氣  
不祥下三蟲一名丹草生成陽山谷

鼠尾草味苦微寒無毒主鼠瘦寒熱下痢膿血不止  
白花者主白下赤花者主赤下一名勤一名陵翹生

平澤中四月採葉七月採花陰乾

馬鞭草主下部羸瘡

胡桐淚味鹹苦大寒無毒主大毒熱心腹煩滿水和服之取吐又主牛馬急黃黑汙水研二三兩灌之立差又爲金銀鐸藥出肅州以西平澤及山谷中形似黃礬而堅實有夾爛木者云是胡桐樹滋淪入土石鹼鹵地作之其樹高大皮葉似白楊青桐桑輩故名胡桐木堪噐用又名胡桐律西域傳云胡桐似桑而曲

馬勃味辛平無毒主惡瘡馬疥一名馬疔生園中久腐處



鷄腸草主腫止小便利

蛇莓汁大寒主胸腹大熱不止療溪毒射工傷寒大熱甚良

苧根寒主小兒赤丹其清苧汁療渴

菰根大寒主腸胃痼熱消渴止小便利

狼跋子有小毒主惡瘡蝸疥殺蟲魚

弓弩弦主難產胞衣不出

春杵頭細糠主卒噎

敗天公平主鬼疰精魅

半天河微寒主鬼疰狂邪氣惡毒洗諸瘡用之

地漿寒主解中毒煩悶

敗蒲蓆平主筋溢惡瘡

敗船茹平主婦人崩中吐痢血不止燒作灰服之

敗鼓皮平主中蠱毒燒作灰水服

屋遊味甘寒主浮熱在皮膚往來寒熱利小腸膀胱

氣生屋上陰處八月九月採

赤地利味苦平無毒主赤白冷熱諸痢斷血破血帶

下赤白生肌肉所在山谷有之

赤車使者味辛苦溫有毒主風冷邪疰蠱毒癥瘕五

臟積氣惡血

劉寄奴草味苦溫主破血下脹多服令人痢生江南  
三白草味甘辛寒有小毒主水腫脚氣利大小便消  
痰破癰除積聚消丁腫生池澤畔

牽牛子味苦寒有毒主下氣療脚滿水腫除風毒利  
小便

豬膏薺味辛苦平無毒主金瘡止痛斷血生肉除諸  
惡瘡消浮腫擣封之湯漬散傅並良

紫葛味甘苦寒無毒主癰腫惡瘡取根皮擣爲末醋  
和封之生山谷中不入方用

蓖麻子味甘辛平有小毒主水癥水研二十枚服之

吐惡沫加至三十枚三日一服差則止又主風虛寒  
熱身體瘡癢浮腫尸疰惡氣竿取油塗之葉主脚氣  
風腫不仁擣蒸傅之

葎草味甘苦寒無毒主五淋利小便止水痢除瘧虛  
熱渴煮汁及生汁服之生故墟道傍

格注草味辛苦溫有大毒主蠱疰諸毒疼痛等生齊  
魯山澤

獨行根味辛苦冷有毒主鬼疰積聚諸毒熱腫蛇毒  
水磨爲泥封之日三四立瘥水煮一二兩取汁服吐

蠱毒

狗舌草味苦寒有小毒主蠱疥瘙瘡殺小蟲

烏蘇莨味酸苦寒無毒主風毒熱腫游丹蛇傷擣傳  
并飲汁

豨薺味苦寒有小毒主執蠱煩滿不能食生擣汁服  
三四合多則令人吐

狼毒味辛平有大毒主欬逆上氣破積聚飲食寒熱  
水氣脇下積癖惡瘡鼠瘦疽蝕鬼精蠱毒殺飛鳥走  
獸一名續毒生秦亭山谷及奉高二月八月採根陰  
乾陳而沈水者良

鬼臼味辛溫微溫有毒主殺蠱毒鬼疰精物辟惡氣

不祥逐邪解百毒療欬嗽喉結風邪煩惑失魄妄見  
去目中膚腎殺大毒不入湯一名爵犀一名馬目毒  
公一名九白一名天白一名解毒生九真山谷及寃  
旬二月八月採根

蘆根味甘寒主消渴客熱止小便利

甘蕉根大寒主癰腫結熱

篇蓄味苦平無毒主浸淫疥癢疽痔殺三蟲療女子  
陰蝕生東萊山谷五月採陰乾

酢漿草味酸寒無毒主惡瘡癰癭擣傅之殺諸小蟲  
生道傍

商實味苦平無毒主赤白冷熱痢散服飲之吞一枚  
破癰腫

蒲公英味甘平無毒主婦人乳癰腫水煮汁飲之及  
封之立消一名構耨草

商陸味辛酸平有毒主水脹疝瘕痺灸除癰腫殺鬼  
精物療胸中邪氣水腫痿痺腹滿洪直疏五臟散水  
氣如人形者有神一名萆根一名夜呼生咸陽川谷  
女青味辛平有毒主蠱毒逐邪惡氣殺鬼溫瘡辟不  
祥一名雀瓢蛇銜根也生朱崖八月採陰乾

水蓼主蛇毒搗傳之絞汁服止蛇毒入內心悶水煮

漬將脚消氣腫

角蒿味辛苦平有小毒主甘濕蠹諸惡瘡有蟲者

昨葉何草味酸平無毒主口中乾痛水穀血痢止血  
生上黨屋上如蓬初生一名瓦松夏採日乾

採  
白附子主心痛血痺面上百病行藥勢生蜀郡三月

鶴蝮味苦平有小毒主虻螭蟲用之爲散以肥肉臠  
汁服方寸匕亦丸散中用生西戎

甌帶灰主腹脹痛脫肛煮汁服主胃反小便失禁不  
通及淋中惡尸疰金瘡亦不出



履屨鼻繩灰水服主噎哽心痛胸滿

故麻鞋底水煮汁服之解紫石英發毒又主霍亂吐

下不止及解食牛馬肉毒腹脹吐痢不止

雀麥味甘平無毒主女人產不出煮汁飲之一名齋

一名鷓麥生故墟野林下葉似麥

筆頭灰年久者主小便不通小便數難陰腫中惡脫

肛淋瀝燒灰水服之

木部上品二十七味

茯苓

附 茯神

琥珀

松脂

實葉節 根等附

柏實

葉皮 等附

菌桂

牡桂

桂

杜仲

楓香脂皮附乾漆生漆附

蔓荊實

牡荊

女貞實 桑上寄生

蕤核

五加皮

沉香薰陸香 麝糖香 鷄舌香 乳香等附 藿香

藥木根附 辛夷

木蘭

榆皮花附

酸棗 槐實枝皮等附

楮實葉及莖等附

枸杞

蘇合香 橘柚

茯苓味甘平無毒主膏脇逆氣憂恚驚邪恐悸心下結痛寒熱煩滿欬逆口焦舌乾利小便止消渴好唾大腹淋瀝膈中痰水水腫淋結開胃腑調藏氣伐腎邪長陰益氣力保神守中久服安魂養神不饑延年

一名伏菟其有抱根者名茯神

茯神平主辟不祥療風眩風虛五勞口乾止驚悸多  
恚怒善忘開心益智安魂魄養精神生太山山谷大  
松下二月八月採陰乾

琥珀味甘平無毒主安五藏定魂魄殺精魅邪鬼消  
瘀血通五淋生永昌

松脂味苦甘溫無毒主疽惡瘡頭瘍白禿疥瘙風氣  
安五藏除熱胃中伏熱咽乾消渴及風痺死肌鍊之  
令白其赤者主惡痺久服輕身不老延年一名松膏  
一名松肪生太山山谷六月採

松實味苦溫無毒主風痺寒氣虛羸少氣補不足九月採陰乾

松葉味苦溫主風濕瘡生毛髮安五藏守中不饑延年松節溫主百節久風風虛脚痺疼痛

松根白皮主辟穀不饑

栢實味甘平無毒主驚悸安五藏益氣除風濕痺療恍惚虛損吸吸歷節腰中重痛益血止汗久服令人潤澤美色耳目聰明不饑不老輕身延年生太山山谷栢葉尤良

栢葉味苦微溫無毒主吐血衄血利血崩中赤白輕

身益氣令人耐寒暑去濕痺止饑四時各依方面採  
陰乾栢白皮主火灼爛瘡長毛髮

茵桂味辛溫無毒主百病養精神和顏色爲諸藥先  
聘通使久服輕身不老面生光華媚好常如童子生  
交趾桂林山谷巖崖間無骨正圓如竹立秋採

牡桂味辛溫無毒主上氣欬逆結氣喉痺吐吸心痛  
脇風脇痛溫筋通脉止煩出汗利關節補中益氣久  
服通神輕身不老生南海山谷

桂味甘辛大熱有小毒主溫中利肝肺氣心腹寒熱  
冷疾霍亂轉筋頭痛腰痛出汗止煩止唾欬嗽鼻齕

能墮胎堅骨節通血脈理踈不足宣導百藥無所忌  
久服神仙不老生桂陽二月八月十月採皮陰乾  
柱仲味辛甘平溫無毒主腰脊痛補中益精氣堅筋  
骨強志除陰下痒濕小便餘瀝脚中酸疼不欲踐地  
久服輕身耐老一名思仙一名思仲一名木綿生上  
虞山谷及上黨漢中二月五月六月九月採皮  
楓香脂味辛苦平無毒主癩癧風痒浮腫齒痛一名  
白膠香其樹皮味辛平有小毒主水腫下水氣煮汁  
用之所在大山皆有

乾漆味辛溫無毒有毒主絕傷補中續筋骨填髓腦

安五藏五緩六急風寒濕痺癢欬消瘀血痞結腰痛女子疝瘕利小腸去虻蟲生漆去長蟲久服輕身耐老生漢中川谷夏至後採乾之

蔓荊實味苦辛微寒平溫無毒主筋骨間寒熱濕痺拘攣明目堅齒利九竅去白蟲長蟲主風頭痛腦鳴目淚出益氣久服輕身耐老令人光澤脂緻小荊實亦等

牡荊實味苦溫無毒主除骨間寒熱通利胃氣止欬逆下氣生河間南陽宛句山谷或平壽都鄉高岸上及田野中八月九月採實陰乾

女貞實味苦甘平無毒主補中安五臟養精神除百疾久服肥健輕身不老生武陵川谷立冬採

桑上寄生味苦甘平無毒主腰痛小兒背強癰腫安胎克肌膚堅髮齒長鬚眉主金瘡去痺女子崩中內傷不足產後餘疾下乳汁其實明目輕身通神一名寄屑一名寓木一名宛童一名蔦生弘農川谷桑樹上三月三日採莖葉陰乾

蕤核味甘溫微寒無毒主心腹邪結氣明目目赤痛傷淚出目腫背爛齟鼻破心下結痰痞氣久服輕身益氣不饑生函谷川谷及巴西



五加皮味辛苦溫微寒無毒主心腹疝氣腹痛益氣  
療躄小兒不能行疽瘡陰蝕男子陰痿囊下濕小便  
餘瀝女人陰痒及腰脊痛兩脚疼痺風弱五緩虛羸  
補中益精堅筋骨強志意久服輕身耐老一名材漆  
一名材節五葉者良生漢中及宛句五月七月採莖  
十月採根陰乾

沉香薰陸香鷄舌香藿香詹糖香乳香並微溫悉療  
風水毒腫去惡氣薰陸詹糖去伏尸鷄舌藿香療霍  
亂心痛乳香療風癩癬痒毒

藥木味苦寒無毒主五藏腸胃中結熱黃疸腸痔止

洩痢女子漏下赤白陰傷蝕瘡療驚氣在皮間肌膚  
熱赤起目熱赤痛口瘡久服通神根一名檀桓主心  
腹百病安魂魄不饑渴久服輕身延年通神生漢中  
山谷及永昌

辛夷味辛溫無毒主五藏身體寒熱風頭腦痛面黥  
溫中解肌利九竅通鼻塞涕出治面腫引齒痛眩冒  
身兀兀如在車舩之上者生鬚髮去白蟲久服下氣  
輕身明目增年耐老可作膏藥用之去心及外毛毛  
射人肺令人欬一名辛矧一名侯桃一名房木生漢  
中川谷九月採實暴乾

木蘭味苦寒無毒主身大熱在皮膚中去面熱赤皯  
酒皸惡風癩疾陰下癢濕明耳目療中風傷寒及癰  
疽水腫去臭氣一名林蘭一名杜蘭皮似桂而香生  
零陵山谷及太山十二月採皮陰乾

榆皮味甘平無毒主大小便不通利水道除邪氣腸  
胃邪熱氣消腫性滑利久服輕身不饑其實尤良療  
小兒頭瘡痂疔花主小兒痢小便不利傷熱一名零  
榆生潁川山谷二月採皮取白暴乾八月採實並勿  
令中濕濕則傷人

酸棗味酸平無毒主心腹寒熱邪結氣聚四肢酸疼

濕痺煩心不得眠臍上下痛血轉久洩虛汗煩渴補  
中益肝氣堅筋骨助陰氣令人肥健久服安五藏輕  
身延年生河東川澤八月採實陰乾四十日成

槐實味苦酸鹹寒無毒主五內邪氣熱止涎唾補絕  
傷五痔火瘡婦人乳癥子藏急痛以七月七日取之  
擣取汁銅器盛之日煎令可作丸大如鼠屎內竅中  
三易乃愈又墮胎久服明目益氣頭不白延年枝主  
洗瘡及陰囊下濕癢皮主爛瘡根主喉痺寒熱生河  
南平澤可作神燭

楮實味甘寒無毒主陰痿水腫益氣克肌膚明目久

服不饑不老輕身生少室山一名穀實所在有之八月九月採實日乾四十日成

葉味甘無毒王小兒身熱食不生肌可作浴湯又主惡瘡生肉樹皮主逐水利小便莖主癰癤癢單煮洗浴皮間白汁療癬

枸杞味苦寒根大寒子微寒無毒王五內邪氣熱中消渴周痺風濕下腎脇氣客熱頭痛補內傷大勞噓吸堅筋骨強陰利大小腸久服堅筋骨輕身不老耐寒暑一名杞根一名地骨一名枸杞一名地輔一名羊乳一名却暑一名仙人杖一名西王母杖生常山

平澤及諸丘陵阪岸冬採根春夏採葉秋採莖實陰乾

蘇合香味甘溫無毒主辟惡殺鬼精物溫瘡蠱毒癩瘻去三蟲除邪令人無夢魘久服通神明輕身長年  
生中臺川谷

橘柚味辛溫無毒主胷中痰熱逆氣利水穀下氣止嘔欬除膀胱留熱停水五淋利小便主脾不能消穀氣衝胷中吐逆霍亂止洩去寸白久服去臭下氣通神輕身長年一名橘皮生南山川谷及生江南十月採

木部中品二十九味

龍眼

厚朴

猪苓

箠竹葉

附根實

淡竹葉

澁皮筍等附

枳實

山茱萸

吳茱萸

附根秦皮

梔子

檳榔

合歡

秦椒

衛矛

紫葳

莖葉等附

蕪荑

食茱萸

棕子木

每始王木

折傷木

茗苦椽

桑根白皮

五木耳等附

松蘿

白棘

棘刺花

實附

安息香

龍腦香

菴摩勒

毗梨勒

龍眼味甘平無毒主五藏邪氣安志厭食除蟲去毒

久服強魂聰明輕身不老通神明一名益智其大者似檳榔生南海山谷

厚朴味苦溫大溫無毒主中風傷寒頭痛寒熱驚悸氣血痺死肌去三蟲溫中益氣消痰下氣療霍亂及腹痛脹滿胃中冷逆宵中嘔不止洩痢淋露除驚去留熱心煩滿厚腸胃一名厚皮一名赤朴其樹名榛其子名逐折療鼠瘦明目益氣生交趾寃句三月九月十月採皮陰乾

猪苓味甘苦平無毒主痰瘧解毒蠱疰不祥利水道久服輕身耐老一名猥猪屎生衡山山谷及濟陰寃



旬二月八月採陰乾

箘竹葉味苦平大寒無毒主欬逆上氣溢筋急惡瘍  
殺小蟲除煩熱風痙喉痺嘔吐根作湯益氣止渴補  
虛下氣消毒汁主風痙實通神明輕身益氣生益州  
淡竹葉味辛平大寒主宵中痰熱欬逆上氣瀝大寒  
療暴中風風痺宵中大熱止煩悶皮飴微寒主嘔啞  
溫氣寒熱吐血崩中溢筋

苦竹葉及瀝療口瘡目痛明目利九竅○竹筍味甘  
無毒主消渴利水道益氣可久食

枳實味苦酸寒微寒無毒主大風在皮膚中如麻豆

苦癢除寒熱結止痢長肌肉利五藏益氣輕身除膏  
脇痰癖逐停水破結實消脹滿心下急痞痛逆氣脇  
風痛安胃氣止澹洩明目生河內川澤九月十月採  
陰乾

山茱萸味酸平微溫無毒主心下邪氣寒熱溫中逐  
寒濕痺去三蟲腸胃風邪寒熱疝瘕頭風風氣去來  
鼻塞目黃耳聾面炮溫中下氣出汗強陰益精安五  
藏通九竅止小便利久服輕身明目強力長年一名  
蜀棗一名鷄足一名魁實生漢中山谷及琅邪冤句  
東海承縣九月十月採實陰乾

吳茱萸味辛溫大熱有小毒主溫中下氣止痛欬逆  
寒熱除濕血痺逐風邪開腠理去痰冷腹內絞痛諸  
冷實不消中惡心腹痛逆氣利五藏根殺三蟲根白  
皮殺蟻蟲治喉痺欬逆止洩注食不消女子經產餘  
血療白癬一名藪生上谷川谷及冤句九月九日採  
陰乾

秦皮味苦微寒大寒無毒主風寒濕痺洗洗寒氣除  
熱目中青翳白膜療男子少精婦人帶下小兒癩身  
熱可作洗目湯久服頭不白輕身皮膚光澤肥大  
子一名岑皮一名石檀生廬江川谷及冤句二月八

月採皮陰乾

梔子味苦寒大寒無毒主五內邪氣胃中熱氣面赤  
酒皰皸鼻白癩赤癩瘡瘍療目熱赤痛腎心大小腸  
大熱心中煩悶胃中熱氣一名木丹一名越桃生南  
陽川谷九月採實暴乾

檳榔味辛溫無毒主消穀逐水除痰癖殺三蟲伏尸  
療寸白生南海

合歡味甘平無毒主安五藏利心志令人歡樂無憂  
久服輕身明目得所欲生益州山谷

秦椒味辛溫生溫熟寒有毒主風邪氣溫中除寒痺

堅齒髮明目療喉痺吐逆疝瘕去老血產後餘疾腹痛出汗利五藏久服輕身好顏色耐老增年通神生太山川谷及秦嶺上或琅邪八月九月採實

衛矛味苦寒無毒主女子崩中下血腹滿汗出除邪殺鬼毒蠱疰中惡腹痛去白蟲消皮膚氣毒腫令陰中解一名鬼箭生霍山山谷八月採陰乾

紫葳味酸微寒無毒主婦人產乳餘疾崩中瘕瘕血閉寒熱羸瘦養胎莖葉味苦無毒主痿癈益氣一名陵苕一名芟華生西海川谷及山陽

蕪荑味辛平無毒主五內邪氣散皮膚骨節中淫淫

溫行毒去三蟲化食逐寸白散腸中噉噉喘息一名  
無姑一名蕨蕓生晉山川谷三月採實陰乾

食茱萸味辛苦大熱無毒功用與吳茱萸同少爲劣  
爾療水氣用之乃佳

椋子木味甘鹹平無毒主折傷破惡血養好血安胎  
止痛生肉

每始王木味苦平無毒主傷折跌筋骨生肌破血止  
痛酒水煮濃汁飲之生資州山谷

折傷木味甘鹹平無毒主傷折筋骨疼痛散血補血  
產後血悶止痛酒水煮濃汁飲之生資州山谷

茗苦椀茗味甘苦微寒無毒主癭瘡利小便去痰熱  
渴令人少睡春採之苦椀主下氣消宿食作飲加茱  
萸葱薑等良

桑根白皮味甘寒無毒主傷中五勞六極羸瘦崩中  
脉絕補虛益氣去肺中水氣唾血熱渴水腫腹滿臚  
脹利水道去寸白可以縫金瘡採無時出土上者殺  
人葉主除寒熱出汗汁解蜈蚣毒

桑耳味甘有毒黑者主女子漏下赤白汁血病癥瘕  
積聚陰痛陰陽寒熱無子療月水不調其黃熟陳白  
者止久洩益氣不饑其金色者治癖飲積聚腹痛金

瘡一名桑菌一名木麥

五木耳名糯益氣不饑輕身強志生犍爲山谷六月多雨時採卽暴乾

松蘿味苦甘平無毒主瞋怒邪氣止虛汗頭風女子陰寒腫痛療痰熱溫瘧可爲吐湯利水道一名女蘿生熊耳山川谷松樹上五月陰乾

白棘味辛寒無毒主心腹痛癰腫潰膿止痛決刺結療丈夫虛損陰痿精自出補腎氣益精髓一名棘鍼一名棘刺生雍州川谷

棘刺花味苦平無毒主金瘡內漏冬至後百二十日



採之實主明目心腹痿痺除熱利小便生道傍四月  
採一名旂蓂一名馬胸一名刺原又有棗針療腰痛  
喉痺不通

安息香味辛苦平無毒主心腹惡氣鬼疰出西戎似  
松脂黃黑色爲塊新者亦柔韌

龍腦香及膏香味辛苦微寒一云溫平無毒主心腹  
邪氣風濕積聚耳聾明目去目赤膚醫出婆律國形  
似白松脂作杉木氣明淨者善久經風日或如雀屎  
者不佳云合糯一作粳米炭相思子貯之則不耗膏

主耳聾

菴摩勒味苦甘寒無毒王風虛熱氣一名餘甘生嶺南交廣愛等州

毗梨勒味苦寒無毒功用與菴摩勒同出西域及嶺南交愛等州戎人謂之三果

木部下品 四十五味

黃環

石南

實附

巴豆

蜀椒

莽草

郁李人

根附

鼠李

根附

欒華

杉材

楠材

榧實

蔓椒

釣樟

根皮

雷丸

洩疏

欒樹皮

白楊

水楊葉

欒荊

小藥

萊蕪

鈎藤

藥實根

皂莢

棟實

根附

柳華

子附

桐葉

花附

梓白皮

葉附

蘇方木

接骨木

枳椇

木天蓼

烏白木

赤爪木

實附

訶梨勒

楓柳皮

賣子木

大空

紫真檀

椿木葉

樗木附

胡椒

椽實

無食子

楊欖木

榲若

皮附

黃環味苦平有毒王蠱毒鬼疰鬼魅邪氣在藏中除

欬逆寒熱一名凌泉一名大就生蜀郡山谷三月採

根陰乾

石南味辛苦平有毒主養腎氣內傷陰衰利筋骨皮  
毛療腳弱五藏邪氣除熱女子不可久服令思男實  
殺蠱毒破積聚逐風痺一名鬼目生華陰山谷二月  
四月採葉八月採實陰乾

巴豆味辛溫生溫熟寒有大毒主傷寒溫瘧寒熱破  
癥瘕結聚堅積留飲痰癖大腹水脹蕩滌五藏六腑  
開通閉塞利水穀道去惡肉除鬼毒蠱疰邪物殺蟲  
魚療女子月閉爛胎金瘡膿血不利丈夫陰殺斑猫  
毒可鍊餌之益血脈令人色好變化與鬼神通一名  
巴椒生巴郡川谷八月採陰乾用之去心皮

蜀椒味辛溫大熱有毒主邪氣欬逆溫中逐骨節皮  
膚死肌寒濕痺痛下氣除六腑寒冷傷寒溫瘡大風  
汗不出心腹留飲宿食腸澼下痢洩精女子字乳餘  
疾散風邪痲結水腫黃疸鬼疰蠱毒殺蟲魚毒久服  
之頭不白輕身增年開腠理通血脉堅齒髮調關節  
耐寒暑可作膏藥多食令人乏氣口閉者殺人一名  
巴椒一名薺藪生武都川谷及巴郡八月採實陰乾  
莽草味辛苦溫有毒主風頭癰腫乳癰疔痲除結氣  
疥癢殺蟲魚瘰喉痺不通乳難頭風癢可用沐勿令  
入眼一名薺一名春草生上谷山谷及宛句五月採

葉陰乾

郁李人味酸平無毒主大腹水腫面目四肢浮腫利  
小便水道根主齒斷腫齲齒堅齒去白蟲一名爵李  
一名車下李一名棣生高山川谷及丘陵上五月六  
月採根

鼠李主寒熱瘰癧瘡其皮味苦微寒無毒主除身皮  
熱毒一名牛李一名鼠梓一名裨生田野採無時  
纒華味苦寒無毒主目痛淚出傷背消目腫生漢中  
川谷五月採

杉材微寒無毒主療漆瘡

楠材微溫主霍亂吐下不止

榧實味甘無毒主五痔去三蟲蠱毒鬼疰生永昌

蔓椒味苦溫無毒主風寒濕痺歷節疼除四肢厥氣

膝痛一名豕椒一名猪椒一名豨椒一名狗椒生雲

中川谷及丘冢間採莖根煮釀酒

釣樟根皮主金瘡止血

雷丸味苦鹹寒微寒有小毒主殺三蟲逐毒氣胃中

熱利丈夫不利女子作摩膏除小兒百病逐邪氣惡

風汗出除皮中熱結積蠱毒白蟲寸白自出不止久

服令人陰痿一名雷矢一名雷實赤者殺人生石城

山谷及漢中土中八月採根暴乾

溲疏味辛苦寒微寒無毒主身皮膚中熱除邪氣止遺溺通利水道除胃中熱下氣可作浴湯一名巨骨生熊耳川谷及田野故丘墟地四月採

檉樹皮大寒主時行頭痛熱結在腸胃

白楊樹皮味苦無毒主毒風脚氣腫四肢緩弱不隨毒氣遊易在皮膚中痰癖等酒漬服之取葉圓大蒂小無風自動者良

水楊葉嫩枝味苦平無毒主久痢赤白擣和水絞取汁服一升日二大效



欒荊味辛苦溫有小毒主大風頭面手足諸風癩癧  
狂瘧濕痺寒冷疼痛俗方大用之而本草不載亦無  
別名但有欒花功用又別非此花也

小蘗味苦大寒無毒主口瘡疔蠶殺諸蟲去心腹中  
熱氣一名山石榴

莢迷味甘苦平無毒主三蟲下氣消穀  
鈎藤微寒無毒主小兒寒熱十二驚癇

藥實根味辛溫無毒主邪氣諸痺疼酸續絕傷補骨  
髓一名連木生蜀郡山谷採無時

皂莢味辛鹹溫有小毒主風痺死肌邪氣風頭淚出

利九竅殺精物療腹脹滿消穀除欬噉囊結婦人胞  
不落明目益精可爲沐藥不入湯生雍州川谷及魯  
鄒縣如猪牙者良九月十月採莢陰乾

棟實味苦寒有小毒主溫疾傷寒大熱煩狂殺三蟲  
疥瘍利小便水道 根微寒療虻蟲利大腸生荆山

### 山谷

柳華味苦寒無毒主風水黃疸面熱黑痂疥惡瘡金  
瘡一名柳絮葉主馬疥痂瘡取煎煮以洗馬疥立愈  
又療心腹內血止痛實主潰癰逐膿血子汁療渴生  
琅邪川澤

桐葉味苦寒無毒主惡蝕瘡著陰皮主五痔殺三蟲  
療賁狫氣病花主傳猪瘡飼猪肥大三倍生桐栢山  
谷

梓白皮味苦寒無毒主熱去三蟲療目中疾葉擣傳  
猪瘡飼猪肥大三倍生河內山谷

蘇方木味甘鹹平無毒主破血產後血脹悶欲死者  
水煮若酒煮五兩取濃汁服之效

接骨木味甘苦平無毒主折傷續筋骨除風癢齟齒  
可作浴湯

枳椇味甘平無毒主頭風小腸拘急一名木蜜其木

皮溫無毒主五痔和五藏以木爲屋屋中酒則味薄  
此亦奇物

木天蓼味辛溫有小毒主癥結積聚風勞虛冷生山  
谷中

烏臼木根皮味苦微溫有毒主暴水癥結積聚生山  
南平澤

赤爪木味苦寒無毒主水痢風頭身癢生平陸所在  
有之實味酸冷無毒汁服主水痢沐頭及洗身上瘡  
癢一名羊椽一名鼠查

訶梨勒味苦溫無毒主冷氣心腹脹滿下食生交愛

州楓柳皮味辛大熱有毒主風齧齒痛出原州

賣子木味甘微鹹平無毒主折傷血內溜續絕補骨

髓止痛安胎生山谷中其葉似柿出劔南邛州

大空味辛苦平有小毒主三蟲殺蠨蝨生山谷中取

根皮作末油和塗蠨蝨皆死

紫真檀味鹹微寒主惡毒風毒

椿木葉味苦有毒主洗瘡疥風疽水煮葉汁用之皮

主甘蜜樗木根葉尤良

胡椒味辛大溫無毒主下氣溫中去痰除藏腑中風

冷生西戎形如鼠李子調食用之味甚辛辣而芳香

當不及蜀椒

椽實味苦微溫無毒王下痢厚腸胃肥健人其殼爲散及煮汁服亦主痢并堪染用一名杼斗榘櫟皆有斗以櫟爲勝所在山谷中皆有

無食子味苦溫無毒王赤白痢腸滑生肌肉出西戎楊櫨木味苦寒有毒王疽瘦惡瘡水煮葉汁洗瘡立差生籬垣間一名空疏所在皆有

榘若味甘苦平無毒王痔止血療血痢止渴取脉灸用之皮味苦水煎濃汁除蠱及瘦俗用甚効

人獸部 五十五味

髮髮

亂髮

人乳汁

頭垢

屎溺

龍骨

白龍骨齒角等附

牛黃

麝香

馬乳

牛乳

羊乳

酥

熊脂

白膠

阿膠

醍醐

底野迦

酪

犀角

羚羊角

羖羊角

髓肺肉骨等附

牛角鯁

髓膽腎齒

肉溺等附

白馬莖

眼蹄齒心肺肉骨溺等附

狗陰莖

膽心腦齒

血肉等附

鹿茸

骨角髓肉等附

麋骨

肉髓等附

虎骨

膏肉等附

豹肉

狸骨

肉陰莖等附

兔頭骨

腦肝肉等

附六畜毛蹄甲

鼯鼠

麋脂

角附

豚卵 蹄足心腎膽齒膏肉等附

鼯鼠

獭肝 肉附

狐陰莖 五藏腸屎等附

猫膏 肉胞等附

野猪黃

驢屎 尿乳軸垢等附

豹皮

丹雄鷄 肉膽血肪

腸肝羽骨等附

白鵝膏 毛肉等附 鵞肪 白鴨屎附

鴈肪

鷓鴣

雉肉

鷹屎白

雀卵 腦頭血屎等附

鸛骨

雄鵠

雌鵠

鷲屎

鷓鴣屎 頭附 鷓鴣頭

髮髮味苦溫小寒無毒主五瘡關格不通利小便水

道療小兒疇大人痊仍自還神化合鷄子黃煎之消

為水療小兒驚熱



亂髮微溫主欬嗽五淋大小便不通小兒驚癇止血  
鼻衄燒之吹內立止

人乳汁主補五藏令人肥白悅懌

頭垢主淋閉不通

人屎寒主療時行大熱狂走解諸毒宜用絕乾者擣  
末沸湯沃服之

人溺療寒熱頭疼溫氣童男者尤良溺白塗療鼻衄  
湯火灼瘡東向圍廁溺坑中青泥塗療喉痺消癰腫  
若已有膿卽潰

龍骨味甘平微寒無毒主心腹鬼疰精物老魅欬逆

洩痢膿血女子漏下癥瘕堅結小兒熱氣驚癇療心  
腹煩滿四肢痿枯汗出夜臥自驚恚怒伏氣在心下  
不得喘息腸癰內疽陰蝕止汗縮小便溺血養精神  
定魂魄安五藏白龍骨療夢寐洩精小便洩精齒主  
小兒大人驚癇癩疾狂走心下結氣不能喘息諸瘧  
殺精物小兒五驚十二癇身熱不可近大人骨間寒  
熱又殺蠱毒角主驚癇瘕瘕身熱如火腹中堅及熱  
洩久服輕身通神明延年生晉地川谷及太山巖水  
岸土穴中死龍處採無時

牛黃味苦平有小毒主驚癇寒熱熱盛狂瘧除邪逐

鬼療小兒百病諸癩熱口不開大人狂癲又墮胎久服輕身增年令人不忘生晉地平澤于牛得之卽陰乾百日使時燥無令見日月光

麝香味辛溫無毒主辟惡氣殺鬼精物溫瘡蟲毒癩瘻去三蟲療諸凶邪鬼氣中惡心腹暴痛脹急痞滿風毒婦人產難墮胎去面黚目中屑翳久服除邪不夢寤魘寐通神仙生中臺川谷及益州雍州山中春分取之生者益良

馬乳止渴

牛乳微寒補虛羸止渴

羊乳溫補寒冷虛乏

酥微寒補五藏利大腸主口瘡

熊脂味甘微寒微溫無毒主風痺不仁筋急五藏腹  
中積聚寒熱羸瘦頭瘍白禿面疝炮食飲吐嘔久服  
強志不饑輕身長年生雍州山谷十一月取

白膠味甘平溫無毒主傷中勞絕腰痛羸瘦補中益  
氣婦人血閉無子止痛安胎療吐血下血崩中不止  
四肢酸疼多汗淋露折跌傷損久服輕身延年一名  
鹿角膠生雲中煮鹿角爲之

阿膠味甘平微溫無毒主心腹內崩勞極洒洒如瘡

狀腰腹痛四肢酸疼女子下血安胎丈夫小腹痛虛  
勞羸瘦陰氣不足脚酸不能久立養肝氣久服輕身  
益氣一名傳致膠生東平郡煮牛皮作之出東阿  
醍醐味甘平無毒主風邪痺氣通潤骨髓可爲摩藥  
性冷利功優于酥生酥中

底野迦味辛苦平無毒主百病中惡客忤邪氣心腹  
積聚出西戎

酪味甘酸寒無毒主熱毒止渴解散發利除胃中虛  
熱身面上熱瘡肌瘡

犀角味苦酸鹹寒微寒無毒主百毒蠱疰邪鬼瘴氣

殺鈎吻鳩羽蛇毒除邪不迷惑魘寐療傷寒溫疫頭痛寒熱諸毒氣久服輕身駿健生永昌山谷及益州羚羊角味鹹苦寒微寒無毒主明目益氣起陰去惡血注下辟蠱毒惡鬼不祥安心氣常不魘寐療傷寒時氣寒熱熱在肌膚溫風注毒伏在骨間除邪氣驚夢狂越僻謬及食噎不通久服強筋骨輕身起陰益氣利丈夫生石城山川谷及萃陰山採無時

羖羊角味鹹苦溫微寒無毒主青盲明目殺疥蟲止寒洩辟惡鬼虎狼止驚悸療百節中結氣風頭痛及蠱毒吐血婦人產後餘痛燒之殺鬼魅辟虎狼久服

安心益氣輕身生河西川谷取無時勿使中濕濕卽  
有毒羊髓味甘溫無毒主男女傷中陰氣不足利血  
脉益經氣以酒服之○青羊膽主青盲明目○羊肺  
補肺主欬嗽○羊心止憂恚膈氣○羊腎補腎氣益  
精髓○羊齒主小兒羊癇寒熱三月三日取之○羊  
肉味甘大熱無毒主緩中字乳餘疾及頭腦大風汗  
出虛勞寒冷補中益氣安心止驚○羊骨熱主虛勞  
寒中羸瘦○羊屎燔之主小兒洩痢腸鳴驚癇

牛角腮下閉血瘀血疼痛女人帶下血燔之味苦無  
毒水牛角療時氣寒熱頭痛○髓補中填骨髓久服

增年髓味甘溫無毒主安五臟平三焦溫骨髓補中  
續絕傷益氣止洩痢消渴以酒服之○膽可丸藥膽  
味苦大寒除心腹熱渴利口焦燥益目精○心主虛  
忘○肝主明目○腎主補腎氣益精○齒主小兒牛  
癩○肉味甘平無毒主消渴止嘔洩安中益氣養脾  
胃自死者不良○屎寒主水腫惡氣用塗門戶著壁  
者燔之主鼠瘦惡瘡○黃犍牛烏牯牛溺主水腫腹  
脹脚滿利小便

白馬莖味鹹甘平無毒主傷中脉絕陰不起強志益  
氣長肌肉肥健生子陰乾百日○眼主小兒驚癩腹



滿瘡疾○懸蹄主驚邪瘕痰乳難辟惡氣鬼毒蠱疰  
不祥止衄血內漏齧齒生雲中平澤○白馬蹄療婦  
人瘦下白崩○赤馬蹄療婦人赤崩○齒主小兒驚  
癇○鬢頭膏主生髮○鬢毛主女人崩中赤白○心  
主喜忘○肺主寒熱小兒莖痿○肉味辛苦冷主熱  
下氣長筋強腰脊壯健強志輕身不饑脯療寒熱痿  
痺○屎名馬通微溫主婦人崩中止渴及吐下血鼻  
衄金劄止血○頭骨主喜眠令人不睡○溺味辛微  
寒主消渴破癥堅積聚男子伏梁積疝婦人瘕疾銅  
器承飲之

牡狗陰莖味鹹平無毒主傷中陰痿下起令強熱大  
生子除女子帶下十二疾一名狗精六月上伏取陰  
乾百日○膽主明目痂瘍惡瘡○心主憂恚氣除邪  
○腦主頭風痺下部蠹瘡鼻中息肉○齒主癩癰寒  
熱卒風痹伏日取之○頭骨主金瘡止血○四脚蹄  
煮飲之下乳汁○白狗血味鹹無毒主癩疾發作○  
肉味鹹酸溫主安五臟補絕傷輕身益氣○屎中骨  
主寒熱小兒驚癇

鹿茸味甘酸溫微溫無毒主漏下惡血寒熱驚癇益  
氣強志生齒不老療虛勞洒洒如瘡羸瘦四肢酸疼

腰脊痛小便利洩精溺血破留血在腹散石淋癰腫  
骨中熱疽癢○骨安胎下氣殺鬼精物不可近陰令  
痿久服耐老四月五月解角時取陰乾使時燥○角  
味鹹無毒主惡瘡癰腫逐邪惡氣留血在陰中除小  
腹血急痛腰脊痛折傷惡血益氣七月取○髓味甘  
溫主丈夫女子傷中絕脉筋急痛欬逆以酒和服之  
良○腎平主補腎氣○肉溫補中強五藏益氣力生  
者療口僻割薄之

麋骨微溫主虛損洩精○肉溫補益五藏○髓益氣  
力悅澤人面

虎骨主除邪惡氣殺鬼疰毒止驚悸主惡瘡鼠瘦頭  
骨尤良○膏主狗嚙瘡○瓜辟惡魅肉主惡心欲嘔  
益氣力

豹肉味酸平無毒主安五藏補絕傷輕身益氣久服  
利人

狸骨味甘溫無毒主風疰尸疰鬼疰毒氣在皮中淫  
躍如針刺者心腹痛走無常處及鼠瘦惡瘡頭骨尤  
良○肉療諸疰○陰莖主月水不通男子陰癩燒之  
以東流水服

兔頭骨平無毒主頭眩痛癩疾○骨主熱中消渴○

腦主凍瘡○肝主目暗○肉味辛平無毒主補中益氣

六畜毛蹄甲味鹹平有毒主鬼疰蠱毒寒熱驚癇癩瘡狂走駱駝毛尤良

鼯鼠主墮胎令產易生山都平谷

麋脂味辛溫無毒主癰腫惡瘡死肌寒風濕痺四肢拘緩不收風頭腫氣通腠理柔皮膚不可近陰令痿一名宮脂○角味甘無毒主痺止血益氣力生南山山谷及淮海邊十月取

豚卵味甘溫無毒主驚癇癩疾鬼疰蠱毒除寒熱黃

豚五瘡邪氣攣縮一名豚顛陰乾藏之勿令敗○懸蹄主五痔伏熱在腸腸癰內蝕○猪四足小寒主傷撻諸敗瘡下乳汁○心主驚邪憂恚○腎冷和理腎氣通利膀胱○膽主傷寒熱渴○肚主補中益氣止渴利○齒主小兒驚癇五月五日取○鬚膏生髮○肪膏主煎諸膏藥解斑猫茺青毒○猴猪肉味酸冷療狂病○凡猪肉味苦主閉血脉弱筋骨虛人肌不可久食病人金瘡者尤甚○猪屎主寒熱黃疸濕痺鼯鼠味鹹無毒主癰疽諸癩蝕惡瘡陰蠹爛瘡在土中行五月取令乾燔之

獺肝味甘有毒主鬼疰蠱毒却魚鯁止久嗽燒服之  
○肉療疫氣溫病及牛馬時行病煑屎灌之亦良

狐陰莖味甘有毒主女子絕產陰痒小兒陰癩卵腫  
○五臟及腸味苦微寒有毒主蠱毒寒熱小兒驚癇  
○雄狐屎燒之辟惡在木石上者是

獐肉胞膏味甘平無毒主上氣乏氣欬逆酒和三合  
服之日二又主馬肺病蟲顛等病○肉主久水脹不  
差垂死者作羹臠食之下水大效○胞乾之湯磨如  
鷄卵許空腹服吐諸蠱毒

野猪黃味辛甘平無毒主金瘡止血生肉療癩癩水

研如棗核日二服效

驢屎熬之主熨風腫癭瘡屎汁主心腹卒痛諸疰忤  
屎主癥癖胃反吐不止牙齒痛水毒○牝驢屎主燥  
水○馱驢屎主濕水一服五合良燥水者畫體成字  
濕水者不成字○乳主小兒熱急黃等多服使利○  
尾下軸垢主瘡水洗取汁和麩如彈丸二枚作燒餅  
瘡未發前食一枚至發時食一枚療瘡無久新發無  
期者

豺皮性熱主令痺脚氣熱之以纏病上卽差

丹雄鷄味甘微溫微寒無毒主女人崩中漏下赤白



沃補虛溫中止血久傷乏瘡通神殺毒辟不祥○頭  
主殺鬼東門上者尤良

白雄鷄肉味酸微溫主下氣療狂邪安五藏傷中消  
渴

烏雄鷄肉微溫主補中止痛○膽微寒主療目不明  
肌瘡○心主五邪○血主踈折骨痛及痿痺○肪主  
耳聾○腸主遺溺小便數不禁○肝及左翅毛主起  
陰○冠血主乳難○肫脰裏黃皮微寒主洩利小便  
利遺溺除熱止煩○尿白微寒主消渴傷寒寒熱破  
石淋及轉筋利小便止遺溺滅癥瘕

黑雌鷄主風寒濕痺五緩六急安胎○血無毒主中惡腹痛及踠折骨痛乳難○翮羽主下血閉

黃雌鷄味酸甘平主傷中消渴小便數不禁腸澼洩利補益五藏續絕傷療勞益氣○肋骨主小兒羸瘦食不生肌○鷄子主除熱火瘡癩瘻可作虎魄神物○卵白微寒療目熱赤痛除心下伏熱止煩滿欬逆小兒下洩婦人產難胞衣不出醯漬之一宿療黃疸破大煩熱○卵中白皮主久欬結氣得麻黃紫苑和服之立已鷄白蠹肥脂生朝鮮平澤

白鵝膏主耳卒聾以灌之○毛主射工水毒○肉平

利五藏

鶩肪味甘無毒主風虛寒熱

白鴨屎名通主殺石藥毒解結縛散蓄熱○肉補虛除熱和藏腑利水道

鴈肪味甘平無毒主風攣拘急偏枯氣不通利久服長毛髮鬚眉益氣不饑輕身耐老一名鶩肪生江南池澤取無時

鷓鴣味甘溫無毒主嶺南野葛菌毒生金毒及溫瘴久欲死不可差者合毛熬酒漬之生搗取汁服最良生江南形似母鷄鳴云鈞斬格磔者是

雉肉味酸微寒無毒主補中益氣力止洩痢除蟻瘻  
鷹屎白主傷撻滅癩

雀卵味酸溫無毒主下氣男子陰痿不起強之令熱  
多精有子○腦主耳聾○頭血主雀盲○雄雀屎療  
目痛決癰癩女人帶下溺不利除疝瘕五月取之良  
鸛骨味甘無毒主鬼蠱諸疰毒五尸心腹疾

雄鵲肉味甘寒無毒主石淋消結熱可燒作灰以石  
投中散解者是雄也

鳩鵲肉味甘平無毒主五痔止血炙食或爲散飲服  
之

鷲屎味辛平有毒主蠱毒鬼疰逐不祥邪氣破五瘡  
利小便生高山平谷

孔雀屎微寒主女子帶下小便不利

鷓鴣屎一名蜀水花去面黑野鷹誌○頭微寒主鯁  
及噎燒服之

鴟頭味鹹平無毒主頭風眩顛倒癇疾